

公開組

冠軍

【青玉案·登山見紅棉花落有感】蔡克明
 山前矗立英雄樹[△] 論今古[△] 眉峯聚[△] 往
 昔繁華休記取[△] 紅消香斷[△] 雨疏風驟[△] 又送
 春歸去[△] 霜侵兩鬢驚遲暮[△] 莫問尋
 巢燕飛處[△] 客裏韶華悲暗度[△] 雲低天闊[△]
 霧籠煙鎖[△] 迷卻來時路[△]

亞軍

【青玉案·寄興】祝初坡
 萍飄已是平生事[△] 且休與、言高致[△] 濁
 酒一杯花下醉[△] 醉來崖上[△] 樓將雲去[△] 便自
 和雲睡[△] 昔聞輶德原無累[△] 涉世何
 須論名利[△] 我與湖山重把臂[△] 一川煙柳[△]
 漫天霞采[△] 還我林泉志[△]

季軍

【青玉案·遊寶蓮寺禮大佛】陳祖曦
 東風冷襲西山樹[△] 望蓬島、愁千縷[△] 一
 片鰲洋裙帶路[△] 海潮波動[△] 霓鏡光聚[△] 幽境
 羣魔舞[△] 鵑啼紅隕花如雨[△] 為愛殘
 陽晚歸去[△] 大佛山頭觀普度[△] 幾聲鐘磬[△]
 滿天風絮[△] 安樂知何處[△]

優異獎

(排名按姓氏筆畫序)

【青玉案·送友人歸鄉】李國明

庭園漸醒新鶯舞。似相告、天將曙。一夜斜風兼細雨。落紅吹盡。祇餘絮柳。共送春歸去。輕車欲別渾無語。舊日闌干水邊渡。點點鄉愁憑寄與。幾番凝望。此心已在。山斷雲深處。

【青玉案·恨別】李翠珍

離愁漸滿溪山路。望眉眼、盈盈處。悄過橫塘尋野渡。蘭舟催發。叮嚀不斷。人倚煙篷語。依依恨別茫無緒。花卜歸期懶重數。珠箔飄燈歸正苦。家山萬里。一杯濁酒。魂夢勞來去。

【青玉案·遊臺灣淡水湖】陳強

長堤一帶分妝面。海風潤、湖風軟。兩靨波光春色滿。紅塵絕去。青山對起。坐看雲舒卷。輕鷗也解行人懶。故故飛來穩相伴。回首重樓都不見。滄茫萬里。夷猶一葉。且引生涯遠。

【青玉案·詠宋王臺公園】郭維華

殘山賸水傷心處。有多少、宋兒女。故國旌旗悲落絮。怒濤捲淚。斷戈沉恨。片石留孤鶩。園花默默隨風雨。鐵翼飛煙蔽離黍。白首天涯猶夢翥。曉營吹角。夜闌撫劍。烽火神州路。

【青玉案】葉蘭英

楓林醉了涼生樹。桂香送、秋如許。雁唳遙天驚日暮。邊聲淒緊。落霞縹緲。振翮隨風去。閒愁沒箇安排處。譜入新詞斷腸句。鳳舞鸞歌無意緒。繁華如夢。曲終人散。砌下空凝佇。

公開組

特別獎

(排名按姓氏筆畫序)

【青玉案】林浩光

平蕪綠暗天涯路。正酒醒、王孫去。遠
水行雲含晚雨。葉翻幽徑。蟬驚殘照。紅萼
愁無主。飛鴻過盡青山苦。芳樹歌
筵散秋暮。哀笛遙傳思舊賦。廣陵音斷。
琴心誰託。孤夢懸江樹。

【青玉案·清明】胡守恕

太平山下春將暮。聽杜宇、催歸去。客
裏光陰愁裏度。杏村沽酒。引杯同醉。猶有
消愁處。霏霏又濕松楸路。對景低
吟踏青句。欲駐芳韶天未許。昨朝寒食。
今朝插柳。花落如紅雨。

【青玉案·恨別】徐勇權

離愁黯淡清秋節。垂楊岸、驪歌別。去
去煙波舟一葉。棹移人遠。載情輕去。淚眼
長天闊。魚沉雁渺音書絕。莫遣春
心競花發。紅豆拋殘芳訊歇。相思難表。
情絲似網。誰解千千結。

【青玉案·春盡書懷】馮影仙

海棠憔悴鶯聲碎。更風雨、春殘矣。滿
眼繁華容易逝。瓊枝玉樹。嬌花弱絮。一樣
隨流水。天涯芳草青無際。似火驕
陽夏將至。陌上王孫歸也未。景光難駐。
濁醪堪醉。遑問人間世。

【青玉案】盧建文

香江浪急帆無數。正冉冉、飛鷗鷺。隔
岸垂楊籠曉霧。故園一別。萍踪千里。隱約
風濤怒。唐與誰訴。碧海鎔金紅日暮。雲霞影杳。
鷓鴣聲切。望斷天涯路。

學生組

冠軍

【青玉案·重遊荒園】

林梓鳳 聖公會曾肇添中學
重門不鎖年前路。但深鎖、愁如許。滿
院蒼苔風暗度。繁枝零亂。寒煙縈繞。隱約
行人語。曲欄十二知何處。紅葉應
埋舊時句。踏遍香塵君記否。只餘今夜。
一牆花影。依舊瀟瀟雨。

亞軍

【青玉案·寫生】

何世昌 香港中文大學
江花江水尋常去。可曾惜、光陰遽。山
鳥又來啼幾許。莫教相勸。更無相覷。休囀
相思句。綵雲無覓元應住。卻潑輕
陰托毫素。未解盈盈眉眼處。邇遐難狀。
淺深難注。虛白憑誰補。

季軍

【青玉案·暮春】

李卓偉 荃灣官立中學
朝朝暮暮濛濛雨。隱隱聽、盈盈語。嫩
翠柔紅黏滿路。路旁修竹。樹巔疏鳥。慵自
隨風舞。惜春休想留春住。自古芳
春沒留處。冉冉春來春自去。眼前都是。
惱人天氣。將近炎炎暑。

學生組

優異獎

(排名按姓氏筆畫序)

【青玉案·清明】

何本輝 香港樹仁學院

紛紛霧雨階前濕△ 帶風到、隨風泣△ 草
掩舊墳難徑入△ 煙熏神損。步傾欄倚。傘亂
人堆積△ 雲為枕席天為帳△ 地作庭
園塚成室△ 往日聲名誰箇識△ 滿林飛鳥。
一丘殘石。日暮凝愁色△

【青玉案】

李國雄 香港大學

朝暉杲杲收狂雨△ 未驅盡、痕隨處△ 夜
半颭風翻萬古△ 夢中驚覺。九霄欲落。清角
催鼉鼓△ 日回大地幽香路△ 水滴晶
瑩掛新樹△ 忽落衣襟猶未寤△ 天青雲淡。
夏風初暖。道上人無語△

【青玉案】

陳煒舜 香港中文大學

韶光曾比花枝富△ 全壓卻、春低樹△ 漫
向東君嗟暗度△ 紫荊蔭下。杜鵑聲裡。漠漠
風華路△ 青衫又濕松梢露△ 滿眼芳
深不知處△ 紫謝紅飛都幾許△ 一襟花雨。
一月香壤。長把春來護△

優異獎

(排名按姓氏筆畫序)

【青玉案】

黃庭堅 荃灣官立中學

飄然踏霧遊山去。嫩紅遍、花香聚。草
木青青蜂蝶舞。鳥聲林下。東風湖畔。一徑
桃源路。林間自有閒情趣。何用惶
惶羨朱戶。尋得虛名煩幾許。夕陽山裏。
柳枝溪岸。方是逍遙處。

特別獎

【青玉案】

林詩韻 香港教育學院

新聞每早連台播。似催醒、晨車過。昨
夜深更還靜坐。一堆鴉卷。兩科題目。更備
三篇課。尋常樂得英才賀。腹笥便
便孰高臥。辛苦園丁收碩果。他山攻錯。
浴沂鼓瑟。靈會傳薪火。

【青玉案】

蕭志勇 香港樹仁學院

茫茫曉雨連天外。亂紅裡、傷春態。怕
見幽香沉暮靄。百花飄淚。滿園飛絮。獨倚
真無奈。一簾幽夢應猶在。贏得流
光幾番改。自古多情空感慨。戀芳塵處。
賦新愁句。太息人難再。